

四庫全書

集部

欽定四庫全書

唐詩品彙卷八十八

明 高棟 編

七言律詩七

正變

李商隱

隋宮

紫泉宮殿鎖烟霞  
欲取蕪城作帝家  
玉璽不緣歸日角

錦帆應是到天涯于今腐草無螢火終古垂揚有暮鴉  
地下若逢陳后主豈宜重問後庭花

籌筆驛

魚鳥猶疑畏簡書風雲長為護儲胥徒令上將揮神筆  
終見降王走傳車管樂有才終不忝關張無命復何如

他年錦里經祠廟梁甫吟成恨有餘

詩眼云首言其號  
令嚴明千百年後

魚鳥猶畏之次言忠義貫神明風雲猶護其藩  
籬壁壘至於三聯屬對清切有意他人不能及

九成宮

十二層城閭苑西平時避暑拂虹霓雲隨夏后雙龍尾  
風逐周王八駿蹄吳岳曉光連翠巘甘泉晚景上丹梯  
荔枝盧橘沾恩澤鸞鵲天書濕紫泥

馬嵬

海外徒聞更九州他生未卜此生休空聞虎旅鳴宵柝  
無復鷄人報曉籌此日六軍同駐馬當時七夕笑牽牛

如何四紀為天子不及盧家有莫愁

詩眼云首聯語清切高雅故不用愁

怨墮淚等語而聞者為之深悲次聯如親扈明皇寓出當時意味三聯語益奇世人但稱巧麗不識其高情遠

韻可  
嘆也

茂陵

漢家天馬出蒲梢  
首啣榴花遍近郊  
內苑只知銜鳳觜  
屬車無復掉鷄翹  
玉桃偷得憐方朔  
金屋粧成貯阿嬌  
誰料蘇卿老歸國  
茂陵松柏雨瀟瀟

碧城

碧城十二曲闌干  
犀辟塵埃玉辟寒  
閨苑有書多附鶴  
女牆無樹不棲鸞  
星沉海底當窻見  
雨過河源隔坐看

若是曉星明又定一生長對水晶盤

富平少侯

七國三邊未到憂十三身襲富平侯不收金彈拋林外  
却惜銀床在井頭綵樹轉燈珠錯落繡檀回枕玉雕鏤  
當關莫報侵晨客新得佳人字莫愁

少年

外戚平羌第一功生年二十有重封直登宣室螭頭上  
橫過甘泉豹尾中別館覺來雲雨夢後門歸去蕙蘭叢

灞陵夜獵遊田實不識寒郊自轉蓬

促漏

此篇擬泐宮怨女而作

促漏遙鐘動靜聞報章重疊香難分舞鸞鏡匣收殘黛  
睡鴨香爐換夕熏歸去豈知還向月夢來何處更為雲

南塘漸煖蒲堪結兩兩鴛鴦護水紋

郝新齋云恨不如姮娥入月神女為

雲又不如禽鳥之有匹也又感之辭也

聞歌

飲笑凝眸意欲歌高雲不動碧嵯峨銅臺罷望歸何處

玉輦忘來事幾多青塚路邊南雁盡細腰宮裏北人過  
此聲腸斷非今日香炷燈光奈爾何

錦瑟

錦瑟無端五十絃一絃一柱思華年莊生曉夢迷蝴蝶  
望帝春心託杜鵑滄海月明珠有淚藍田日煖玉生烟

此情可待成追憶祇是當時已惘然

緗素雜記云李義  
由此詩山谷讀之

殊不曉其意以問東坡答曰古今樂志云錦瑟其絃五十柱亦如之其聲也適怨清和按李詩中四句曲盡其  
意唐史稱其  
瑰邁奇古信焉



寫意

燕鴈迢迢隔上林，高秋望斷正長吟。  
人間路有潼江險，天外山惟玉壘深。  
殘日花間留返照，片雲城上結層陰。  
三年已制思鄉淚，更入新年恐不禁。

哭劉蕢

上帝深居閉九閭，巫咸不下問銜冤。  
廣陵別後春濤隔，滄浦書來秋雨翻。  
只有安仁能作詠，何曾宋玉解招魂。  
平生風義兼師友，不敢同君哭寢門。

許渾

秋日早朝

宵衣應待絕更籌  
環珮鏘鏘月下樓  
井轉轆轤千樹曉  
鎖開閭闔萬山秋  
龍旂盡引趨金殿  
雉扇纔分拜玉旒  
虛戴鐵冠無事日  
滄江歸去老漁舟

凌歊臺

宋祖凌歊樂未回  
三千歌舞宿層臺  
湘潭雲盡暮烟

一作山出巴蜀雪消春水來  
行殿有基荒薺合  
寢園無主

野棠開百年便作萬年計巖畔古碑空綠苔

咸陽城東樓

獨上高城萬里愁蒹葭楊柳似汀洲  
溪雲初起日沉閣  
山雨欲來風滿樓  
鳥下綠蕪秦苑夕  
蟬鳴黃葉漢宮秋  
行人莫問當年事  
故國東來渭水流

登故洛陽城

禾黍離離半野蒿  
昔人城此豈知勞  
水聲東去市朝變  
山勢北來宮殿高  
鴉噪暮雲歸古堞  
鴈迷寒雨下空壕

可憐縵嶺登仙子猶自吹笙醉碧桃

金陵懷古

玉樹歌殘王氣終景陽兵合戍樓空楸梧遠近千官塚  
禾黍高低六代宮石燕拂雲晴亦雨江豚吹浪夜還風  
英雄一去豪華盡唯有青山似洛中

姑蘇懷古

宮館餘基倚棹過黍苗無限獨悲歌荒臺麋鹿爭新  
草空苑鳧鷖占淺莎吳岫雨來虛檻冷楚江風急遠帆

多可憐國破忠臣死日日東流生白波

驪山

聞說先皇醉碧桃日華浮動鬱金袍風隨玉輦笙歌迴  
雲捲珠簾劍佩高鳳駕北歸山寂寂龍輿西幸水滔滔  
蛾眉沒後巡遊少瓦落空墻見野蒿

題衛將軍廟

序云將軍名遼陽義人高祖始建義旗遼以勇藝進備行列泊禽竇

建德遼特挾鎗劍前後突翼太宗奇之天下定錄其功拜將軍宿衛以母老乞歸侍許之及辛巳人懷其賢廟于荆溪以平生弓甲懸廟下歲時祠祭而國史闕書其人因題詩于廟

武牢關上護龍旗，挾槊彎弓馬上飛。  
漢業未興王霸在，秦軍纔散魯連歸。  
墳穿大澤埋金劍，廟枕長溪掛鐵衣。  
欲奠忠魂何處問，葦花楓葉雨霏霏。

祇命南海廬陵逢表兄軍倅奉使淮海別後却  
寄是詩

盧橘花香拂釣磯，美人猶舞越羅衣。  
三洲水淺魚來少，五嶺山高鴈到稀。  
客路晚依紅樹宿，鄉關朝望白雲歸。  
交親不念征南吏，昨夜風帆去似飛。

潁川從事西湖亭燕餞

西湖清讌不知回一曲離歌酒一杯  
城帶夕陽聞鼓角寺臨秋水見樓臺  
蘭堂客散蟬猶噪桂檝人稀鳥自來  
獨想征車過鞏洛此中霜菊繞潭開

瓜州留別李詡

泣玉三年一見君白衣顛顛更離羣  
揚堤惜別春潮晚花榭留歡夜漏分  
孤館宿時風帶雨遠帆歸處水連雲  
悲歌曲盡莫重奏心遶關河不忍聞

寓居開元精舍酬薛秀才見貽

知已蕭條信陸沉，茂陵扶疾臥西林。  
芰荷風起客堂靜，松桂月高僧院深。  
清露下時傷旅鬢，白雲歸處寄鄉心。  
勞君詩思猶相憶，題在空齋夜夜吟。

乘月棹舟送大歷寺靈聰上人不及

萬峰秋盡百泉清，舊鎖禪扉在赤城。  
楓浦客來烟未散，竹牕僧去月猶明。  
杯浮野渡魚龍遠，錫響空山虎豹驚。  
一字不留何足訝，白雲無路水無情。



晚自朝臺至韋隱君郊園

秋來鳧鴈下方塘  
繫馬朝臺步夕陽  
村逕遶山松葉暗  
柴門臨水稻花香  
雲連海氣琴書潤  
風帶潮聲枕簟涼  
西去磻溪猶萬里  
可能垂白待文王

村舍

尚平多累自歸難  
一日身閒一日安  
山逕晚雲收獵網  
水門涼月掛魚竿  
花間酒氣春風遠  
竹裏棋聲夜雨寒  
三頃水田秋更熟  
北牕誰拂舊塵冠

卧疾

寒牕燈盡月斜輝  
珮馬朝天獨掩扉  
清露已凋秦塞柳  
白雲空長越山薇  
病中送客難為別  
夢裏還家不當歸  
唯有寄書書未得  
卧聞燕鴈向南飛

晨起白雲樓寄龍興江準上人兼呈竇秀才

茲樓今是望鄉臺  
鄉信全稀曉鴈哀  
山翠萬重當檻出  
水光千里抱城來  
東巖月在僧初定  
南浦花殘客未回  
欲弔靈均能賦否  
秋風還有木蘭開

劉滄

咸陽懷古

經過此地無窮事一望淒然感廢興  
渭水故都秦二世咸陽秋草漢諸陵  
天空絕塞聞邊鴈葉盡孤村見夜燈  
風景蒼蒼多少恨寒山半出白雲層

鄴都懷古

昔時霸業何蕭索古木唯多鳥雀聲  
芳草自生宮殿處牧童誰識帝王城  
殘春楊柳長川迴落日蒹葭遠水平

一望青山便惆悵西陵無主月空明

長洲懷古

野燒空原盡荻灰吳王此地有樓臺千年事往人何在  
半夜月明潮自來白鳥影從江樹沒清猿聲入楚雲哀  
停車日晚薦蘋藻風靜寒塘花正開

浙江晚渡懷古

蟬噪秋風滿古堤荻花寒渡思淒淒潮聲歸海鳥初下  
草色連江人自迷碧落晴分平楚外青山晚出穆陵西

此來一見垂綸者却憶舊居明月溪

經麻姑山

麻姑此地煉神丹寂寞烟霞古竈殘一自仙娥歸碧落  
幾年春雨洗紅蘭帆飛震澤秋江遠雨過陵陽晚樹寒  
山頂白雲千萬片時聞鸞鶴下仙壇

江行書事

遠渚蒹葭覆綠苔姑蘇南望思徘徊空江獨樹楚山背  
暮雨孤舟吳苑來人度深秋風葉落鳥飛殘照水烟開

寒潮欲上泛蘋藻寄薦三閭情自哀

題龍門僧房

靜室遙臨伊水東寂寥誰與此身同  
禹門山色度寒磬蕭寺竹聲來晚風  
僧宿石龕殘雪在鴈歸沙渚夕陽空  
偶將心地問高士坐指浮生一夢中

宿天壇觀

沐髮清齋宿洞宮桂花松韻滿巖風  
紫霞曉色秋山霽碧落寒光夜月空  
華表鶴聲天外迴蓬萊仙界海門通

真心一悟虛無理寂寞玄珠象罔中

入關留別主人

此來多愧食魚心東閣將辭更一吟  
疋馬客程秋草合萬蟬關樹古槐深  
風生古渡河聲急鴈過寒原岳勢侵  
對酒相看自無語幾多離思入瑤琴

題馬太尉華山莊

別開池館背山陰近得幽竒物外心  
竹色拂雲連岳寺泉聲帶雨出溪林  
一庭楊柳春光莫三徑烟蘿晚翠深

自是功成閒劍履西齋長卧對瑤琴

題王校書山齋

猿鳥無聲晝掩扉寒原隔水到人稀  
雲晴古木月初上雪滿空庭鶴未歸  
藥圃地連山色近樵家路入樹烟微  
棲遲慣得滄浪思雲閣還應夢釣磯

秋日山齋即事

衡門無事閉蒼苔籬下蕭疎野菊開  
半夜秋風江色動滿山寒葉雨聲來  
鴈飛關塞霜初落書寄鄉山客未迴



獨坐高牕此時節一彈瑤瑟自成哀

寓居寄友人

雨餘虛館竹陰清獨坐書牕軫旅情  
芳草衙門無馬跡古槐深巷有蟬聲  
夕陽雲盡嵩峯出遠岸烟銷洛水平  
入夜南原賞佳景月高風定苦吟生

秋日山寺懷友人

蕭寺樓臺對夕陰淡烟疎磬散空林  
風生寒渚白蘋動霜落秋山黃葉深  
雲盡獨看晴塞鴈月明遙聽遠村砧

相思不見又經歲坐向松牕彈玉琴

送李休秀才歸嶺中

南泛孤舟景自饒蒹葭汀浦晚蕭蕭  
秋風漢水旅愁起寒木楚山歸思遙  
獨夜猿聲和落葉空江月色帶回潮  
故園新過重陽節黃菊滿籬應未凋

送元叙上人歸上黨

時罷兵

太行關路戰塵收白日思鄉別沃州  
薄暮焚香臨野燒清晨漱齒涉寒流  
溪邊殘壘空雲木山上孤城對驛樓

此去寂寥尋舊跡蒼苔滿徑竹齋秋

和友人憶洞庭舊居

客舍經時益苦吟洞庭猶憶在前林青山殘月有歸夢  
碧落片雲生遠心谿路烟開江月出草堂門掩海濤深  
因君話舊起愁思隔水數聲何處碓

留別崔幹秀才昆仲

汶陽離思水無窮去住情深夢寐中歲晚蟲鳴寒草露  
日斜蟬噪古槐風川分遠岳秋光靜雲盡遙天霽色空

對酒不能傷此別尺書憑鴈往來通

寄遠

西園楊柳暗驚秋寶瑟朱絃結遠愁霜落鴈聲來紫  
塞月明人夢在青樓蕙心迢遞湘雲暮蘭思縈迴楚水  
流錦字織成添別恨關河萬里路悠悠

唐詩品彙卷八十八

欽定四庫全書

唐詩品彙卷八十九

明 高棟 編

七言律詩八

餘響

杜牧

九日齊山登高

江涵秋影鴈初飛與客携壺上翠微  
塵世難逢開口笑

菊花須插滿頭歸，但將醅酌酬佳節。不用登臨，怨落暉  
古往今來，只如此，牛山何必淚沾衣。

寄題甘泉寺北軒

潤州

曾上蓬萊宮裏行，北軒闌檻最留情。孤高堪弄桓伊笛，  
縹渺宜聞子晉笙。天接海門秋水色，煙籠隋苑暮鐘聲。  
他年會著荷衣去，不向山僧道姓名。

題宣州開元寺水閣

閣下荒溪  
夾居人

六朝文物草連空，天澹雲閒今古同。鳥去鳥來山色裏，

人訝人哭水聲中深秋簾幙千家雨落日樓臺一笛風  
惆悵無因見范蠡參差煙樹五湖東

題青雲館

屬尚於

虬蟠千仞劇羊腸天府由來百二強四皓有芝輕漢祖  
張儀無地與懷王帳連雲影蘿陰合枕繞泉聲客夢涼  
深處會容高尚者水苗三頃百株桑

早鴈

金河秋半虜弦開雲際驚飛四散哀仙掌月明孤影過



長門燈暗數聲來須知胡騎紛紛在豈逐秋風一一回  
莫厭瀟湘少人處水多菰米岸莓苔

薛逢

送靈州田尚書

陰風獵獵滿旌竿白草颼颼劍戟橫九姓羌渾隨漢節  
六州蕃落從戎鞍霜中入塞琯弓響月下翻營玉帳寒  
今日路旁誰不指穰苴門戶慣登壇

趙嘏

長安晚秋

雲物淒涼拂曙流，漢家宮闕動高秋。  
殘星幾點鴈橫塞

長笛一聲人倚樓

杜紫微賞味不  
已稱為越倚樓

紫艷半開籬菊靜紅

衣落盡渚蓮愁，鱸魚正美不歸去。  
空戴南冠學楚囚

齊安早秋

流年堪惜又堪驚，砧杵風來滿郡城。  
高鳥過時秋色動，征帆落處暮雲平。  
思家正嘆江南景，聽角仍含塞北情。  
此日沾襟念岐路，不知何處是前程。

東望

楚江橫在草堂前，楊柳洲邊載酒船。  
兩見梨花歸不得，每逢寒食一潸然。  
斜陽映閣山當寺，微綠含風樹滿天。  
同郡故人攀桂盡，把詩吟向泐寥天。

長安月夜與友人話故山

宅邊秋月浸苔磯，日日持竿去不歸。  
楊柳風多潮未落，蒹葭霜冷鴈初飛。  
重嘶馬匹吟紅葉，却聽疎鐘憶翠微。  
今夜秦城滿樓月，故人相見一沾衣。

題橫水驛雙峯院松

故園溪上雪中別野館門前雲外逢  
白髮漸多何事苦清陰長在好相容  
迎風幾拂朝天騎帶月猶含度嶺鐘  
更憶葛洪丹井畔數株臨水欲成龍

發剡中

武德中  
置嵎州

正懷何謝俯長流更覽餘封識嵎州樹色老依官舍晚  
溪聲涼傍客衣秋南巖氣爽橫郭郭天姥雲晴拂寺樓  
日暮不堪還上馬蓼花風起路悠悠

登安陸西樓

樓上華筵日日開  
眼前人事祇堪哀  
征車自入紅塵去  
遠水長穿綠樹來  
雲雨暗更歌舞伴  
山川不盡別離杯  
無由併寫春風恨  
欲下鄖城首重回

九日陪越州元相燕龜山寺

佳晨何處泛花游  
丞相筵開水上頭  
雙影旆搖山雨霽  
一聲歌動寺雲秋  
林光靜帶高城晚  
湖色寒分半檻流  
共賀萬家逢此節  
可憐風物似荊州

經漢武泉

芙蓉苑裏起清秋  
漢武泉聲落御溝  
他日江山映蓬鬢  
二年楊柳別漁舟  
竹間駐馬題詩去  
物外何人識醉游  
盡把歸心付紅葉  
晚來隨水向東流

李遠

聽話叢臺

有客新從趙地回  
自言曾上古叢臺  
雲遮襄國天邊去  
樹繞漳河地裏來  
絃管變成山鳥哢  
綺羅留作野花開

金輿玉輦無行跡風雨惟知長綠苔

劉得仁

奉和翰林丁侍郎禁署早春晴望

御林聞有早鶯聲玉檻春香九陌晴寒著霽雲歸紫閣  
暖浮佳氣動皇城宮池日到冰初解輦路風吹草欲生  
鴛侶此時皆賦咏高山雪在思尤清

姚鵠

送友人出塞

帝城春色著寒梅去恨離懷醉不開  
相別欲將何計免此行應又隔年回  
入河殘日鷗西盡卷雪驚蓬馬上來  
有志莫忘清塞學衆傳君負佐王才

送貴鍊師供奉赴上都

縮地周游不計程古今應只有先生  
已同化鶴臨華表又見駱龍向玉清  
蘿磴靜攀雲共過雪壇當醮月孤明  
無因相逐朝天帝空羨煙霞得送迎

項斯



送宮人入道

願隨仙女董雙成  
王母前頭結伴行  
初戴玉冠多誤拜  
欲辭金殿別稱名  
將敲碧落新齋磬  
却進昭陽舊賜箏  
旦暮焚香遶壇上  
步虛猶作按詞聲

溫庭筠

蘇武廟

蘇武魂銷漢史前  
古祠高樹兩茫然  
雲邊鴈斷胡天月  
壠上羊歸塞草煙  
迴日樓臺非甲帳  
去時冠劍是丁年

茂陵不見封侯印空向秋波哭逝川

過馬嵬驛

穆帝曾為物外遊六龍經此暫淹留  
返魂無驗青煙滅埋血空成碧草愁  
香輦却歸長樂殿曉鐘還下景陽樓  
甘泉不復重相見誰道文成是故侯

回中作

莽莽雲空遠色愁嗚嗚戍角上高樓  
吳姬怨思吹雙管燕客悲詩動五侯  
千里關山邊草暮一星烽火朔雲秋

金史卷八十九  
夜來霜重西風起壠水無聲噓一作凍不流

休澣日謁西掖所知因成長句

赤墀高閣自從容玉女  
牕扉報曙鐘日麗九華青  
瑣闥雨晴雙闕翠微峯  
毫端蕙露滋仙草琴上薰  
風入禁松荀令鳳池春  
婉婉好將餘潤變魚龍

河中陪節度遊河亭

倚闌愁立獨徘徊欲賦慙非宋  
玉才滿座山光搖劍戟  
繞城波色動樓臺鳥飛天外斜  
陽盡人過橋邊倒影來

添得五湖多少恨  
柳花飄蕩似寒梅

寄清涼寺僧

石路無塵竹徑開  
昔年曾伴戴顓來  
牕間半偈聞鐘後  
松下殘棋送客回  
簾向玉峰藏  
夜雪砌因藍水長  
秋苔白蓮社裏如相問  
為說游人是姓雷

開聖寺

路分礧石夾煙叢  
十里蕭蕭古樹風  
出寺馬嘶秋色裏  
向陵鴉亂夕陽中  
竹間泉落山厨靜  
塔下僧歸殿影空

猶有南朝舊碑在耻將興廢問休公

過陳琳墓

曾於青史見遺文今日飄零過古墳  
詞客有靈應識我霸才無主始憐君  
石麟埋沒藏秋草銅雀荒涼對暮雲  
莫怪臨風倍惆悵欲將書劍學從軍

雍陶

晴詩

晚虹斜日塞天昏一半山川帶雨痕  
新水亂侵青草路

殘煙猶傍綠楊村  
胡人羊馬休南牧  
漢將旌旗在北門  
行子喜聞無戰伐  
閒看遊騎獵秋原

司馬禮

送孔恂入洛

洛陽古城秋色多  
送君此去心如何  
青山欲暮惜別淚  
碧草未盡復離訶  
前朝冠帶掩金谷  
舊遊花月經銅駝  
行人正苦柰分手  
日落遠水生微波

李頻

樂遊原春望

五陵佳氣晚氤氳，霸業雄圖勢自分。  
秦地山河連紫

一作

楚塞漢家宮殿入青雲，未央樹色春中見。  
長樂鐘聲月下聞，無那楊花起愁思。  
滿天飄落雪紛紛。

湘中送友人

中流欲暮見湘煙，岸葦無窮接楚天。  
去鴈遠衝雲夢雪，離人獨上洞庭船。  
風波盡日依山轉，星漢通宵向水懸。

一作

連一作零落梅花過殘臘，數園歸去又新年。

送邊將

防秋戎馬恐來奔  
詔發將軍出鴈門  
遙領短兵登隴首  
獨橫長劍向河源  
旌旗落日黃雲動  
鼓角陰風白草翻  
若使干戈更深入  
應聞收得到昆崙

杜荀鶴

舟行即事

年少髭鬚雪欲侵  
別家三日幾多心  
朝隨賈客憂風色  
夜逐漁翁宿葦林  
秋水鷺飛紅蓼晚  
暮山猿叫白雲深



重陽酒熟茱萸紫却向江頭倚棹吟

李郢

贈羽林將軍

虬鬚憔悴羽林郎曾入甘泉侍武皇  
鵬沒夜雲知御苑馬隨仙仗識天香  
五湖歸去孤舟月六國平來兩鬢霜  
唯有桓伊江上笛卧吹三弄送殘陽

送人之嶺南

關山迢遞古交州歲晏憐君走馬遊  
謝氏海邊逢素女

越王潭上見青牛  
高臺月照啼猿曙  
石室煙含古桂秋  
迴望長安五千里  
刺桐花下莫淹留

晚泊松江驛

片帆孤客晚夷猶  
紅蓼花前水驛秋  
歲月方驚離別盡  
煙波仍駐古今愁  
雲陰故國山川暮  
潮落空江網罟收  
還有吳娃舊歌曲  
棹聲遙散采菱舟

江亭春霽

江籬漠漠荇田田  
江上雲亭霽景鮮  
蜀客帆檣背歸燕

楚山花木怨啼鶻春風掩映千門柳  
曉色淒涼萬井煙  
金磬泠泠水南寺上方僧室翠微連

早秋書懷

高梧一葉墜涼天宋玉悲秋淚灑然  
霜拂楚山頻見菊  
雨零溪樹忽無蟬虛村暮角催殘日  
近寺歸僧寄野泉  
青鬢已緣多病鑷可堪風景促流年

李羣玉

黃陵廟

小姑洲北浦雲邊二女明粧共儼然野廟向江春寂寂  
古碑無字草芊芊東風近墓吹芳芷落日深山哭杜鵑  
猶似含嚔望巡狩九疑如黛隔湘川

送秦鍊師歸岑公山

仙翁歸臥翠微岑一葉西飛月峽深松徑定知芳草合  
玉書應念素塵侵閒雲不繫東西影野鶴寧悲去住心  
蘭渚蒼蒼春欲暮落花流水怨離琴

陸龜蒙

欽定四庫全書

同皮襲美訪寂上人

月樓風殿靜沈沈  
披拂霜華訪道林  
鳥在寒枝栖影動  
人依古堞坐禪深  
明時上阻青雲步  
半夜猶追白石吟  
自是海邊鷗伴侶  
不勞金偈更降心

崔珏

鴛鴦

翠鬣紅衣舞夕暉  
水禽情似此禽稀  
數分煙島猶回首  
只度寒塘亦共飛  
映霧盡迷朱殿瓦  
逐梭齊上玉人機

采蓮無限蘭橈女笑指中流羨爾歸

李山甫

送職方王郎中吏部劉員外自太原鄭相公幕

繼奉徵書歸省署

雙鳳銜書次第飛玉皇催促列仙歸雲開日月臨青瑣  
風卷煙霞上紫微蓮影一時空儉府蘭香同處撲堯衣  
此生長掃朱門者每向人間夢粉闌

賀邢州盧員

紫泥飛詔下金鑾  
列象分明世仰觀  
北省諫書藏舊草  
南宮郎署握新蘭  
春歸鳳詔恩波暖  
曉入鴛行瑞氣寒  
偏是此生棲息者  
滿衣零淚一時乾

張喬

河中鸛雀樓

高樓懷古動悲歌  
鸛雀今無野雀過  
樹隔五陵秋色早  
水連三晉夕陽多  
漁人遺火成寒燒  
牧笛吹風起夜波  
十載重來值搖落  
天涯歸計欲如何

唐彥謙

長陵

長陵高闕此安劉附葬累累盡列侯  
豐上舊居無故里  
沛中原廟對荒丘耳聞明主提三尺  
眼見愚民盜一坏  
千載腐儒騎瘦馬渭城斜日重回頭

蒲津河亭

宿雨清秋霽景澄廣亭高樹向晨興  
煙橫博望乘槎水  
日上文王避雨陵孤棹夷猶期獨往  
曲闌愁絕每長凭



思鄉懷古多傷別  
況此哀吟意不勝

秋霽豐德寺與玄貞師詠月

露冷風輕霽魄圓  
高樓更在碧山巔  
四溟水合疑無地  
八月槎通好上天  
點點星辰環紫極  
喧喧朝市匝蒼煙  
夜深獨與巖僧語  
羣動消聲舉世眠

羅隱

送鄭嚴員外

欲將刀筆潤王猷  
東去先分聖主憂  
滿扇好風搖鄭圃

一車甘雨別皇州尚書磧冷鴻聲晚僕射陂寒樹影秋  
從此文星在何處武牢關外庾公樓

春日憶湖南舊遊寄盧校書

旅榜前年過洞庭會提刀筆事甘寧玳筵雖隔將軍幕  
珠履頻窺處士星思重匣中孤劍在夢餘江上數峰青  
金貂見鵬嘉賓散回首昭丘一淚零

金陵夜泊

冷煙輕靄傍衰叢此日秦淮斷蓬棲鳥遠驚行夜火

乳鴉高避落帆風地消王氣波聲急山帶秋陰樹影空  
六代精靈人不見懷思應在月明中

羅鄴

秋日懷江上友人

行子寧知煙水勞西風獨自泛征艘酒醒孤館秋簾卷  
月滿寒江夜笛高黃葉夢餘歸朔塞青山家在極波濤  
去年今日逢君處鴈下蘆花猿正號

征人

青樓一別戍金微力盡秋來破虜圍錦字莫辭連夜織  
塞鴻長是到春歸正憐漢月當空照不奈胡沙滿眼飛  
唯有夢魂南去日故鄉山水路依稀

秋日留別義初上人

塞寺窮秋別遠師西風一鴈侶傷悲每嗟塵世長多事  
重到禪齋是幾時霜嶺自添紅葉恨月溪休和碧雲詞  
關河迴首便千里飛錫南歸詎可知

高駢

和王昭符進士贈洞庭趙先生

為愛君山景最靈  
角冠秋禮一壇星  
藥將雞犬雲間試  
琴許魚龍月下聽  
自要乘風隨羽客  
誰同種玉驗仙經  
煙霞寂寞無人到  
唯有漁翁過洞庭

方干

題睦州呂郎中郡內環溪亭

為是仙才登望處  
風光便似武陵春  
閒花半落猶迷蝶  
白鳥雙飛不避人  
樹影興餘侵枕簟  
荷香坐久着衣巾

暫來此地非多日  
明主那容借寇恂

旅次洋州寓居郝氏林亭

舉目縱然非我有  
思量似在故山時  
鷓鴣盤遠勢投孤岫  
蟬曳殘聲過別枝  
涼月照窻欹枕倦  
澄泉遶石泛觴遲  
青雲未得平行去  
夢到江頭身旅羈

龍泉寺絕頂

未明先見海底日  
良久遠雞才報晨  
古樹含風常帶雨  
寒巖四月始知春  
中天氣爽星河近  
下界時豐雷雨均

前後登臨思無盡  
年年改換往來人

來鵬

寒食

獨把一杯山館中  
每驚時節恨飄蓬  
侵階草色連朝雨  
滿地梨花昨夜風  
蜀魄啼來春寂寞  
楚魂吟去月朦朧  
分明記得還家夢  
徐孺宅前湖水東

唐詩品彙卷八十九

欽定四庫全書

唐詩品彙卷九十

明 高棟 編

七言律詩九

餘響

崔魯

春晚岳陽言懷

煙花零落過清明異國光陰老客情雲夢夕陽愁裏色



洞庭春浪坐來聲天涯一與舊山別江上幾看芳草生  
獨倚闌干意難寫暮茄鳴咽起孤城

崔塗

過繡嶺宮

在驛山

古殿春殘綠野陰上皇曾此駐泥金三城帳屬昇平夢  
一曲鈴闌悵望心苑路暗迷香輦絕繚垣秋斷草煙深  
前朝舊物東流在猶為年年下翠岑

鄭谷

鷓鴣

谷以此詩得名  
時號為鄭鷓鴣

暖戲煙蕪錦翼齊  
品流應得近山雞  
雨昏青草湖邊過  
花落黃陵廟裏啼  
遊子乍聞征袖濕  
佳人纔唱翠眉低  
相呼相喚湘江曲  
苦竹叢深春日西

少華甘露寺

石門蘿逕與天隣  
雨檜風篁遠近聞  
飲澗鹿喧雙派水  
上樓僧踏一梯雲  
孤煙薄暮闌城沒  
遠色初晴渭曲分  
長欲燃燈來此宿  
北林猿鶴舊同羣

渚宮亂後作

鄉人來話亂離情  
淚滿殘陽問楚荆  
白社已應無故老  
清江依舊遠孤城  
高秋軍旅齊山樹  
昔日漁家盡野營  
牢落故園征戰後  
黃花綠蔓上墻生

韓偓

避地寒食

避地淹留已自悲  
况逢寒食欲沾衣  
殘春孤館人愁坐  
斜日空園花亂飛  
路遠漸憂知己少  
時危又與賞心違

一名所繫無窮事爭敢當年便息機

春盡

惜春連日醉昏昏醒後衣裳見酒痕  
細水浮花歸別澗斷雲含雨入孤村  
人間易得芳時恨地迴難招自古魂  
慚愧流鶯相厚意清晨猶為到西園

胡曾

交河塞下曲

交河冰薄日遲遲漢將思家感別離  
塞北草生蘇武泣

隴西雲起李陵悲  
曉侵埤垵鳥先覺  
春入關山鴈獨知  
何處疲兵心最苦  
夕陽樓上笛聲時

曹松

南海旅次

憶歸休上越王臺  
歸思臨高不易裁  
為客正當無鴈處  
故園誰道有書來  
城頭早角吹霜盡  
郭外殘潮帶月迴  
心似百花開未得  
年年爭發被春催

陪湖南李中丞璋宴隱溪

竹林啼鳥不知休，羅列飛橋水亂流。  
觸散柳絲迴玉勒，約開蓮葉上蘭舟。  
酒邊舊侶真何遜，雲裏新聲是莫愁。  
若值主人嫌晝短，應陪秉燭夜深遊。

江西逢僧省文

高僧不負雪峰期，却伴青霞入翠微。  
七葉

某作百葉

巖前霜

欲降九枝松上鶴，初歸風生碧澗魚。  
龍躍威振金樓燕，雀飛想得白蓮花。  
上月滿山猶自帶光輝。

吳融

太保中書令軍前新樓

十二闌干壓錦城半空人語落灘聲風流近接平津閣  
氣色高含細柳營盡日卷簾江草綠有時歌枕雪峰晴  
不知奉詔朝天後誰此登臨看月明

秋日經別墅

別墅蕭條海上村偶期蘭菊與琴尊檐橫碧嶂秋光近  
樹帶寒潮晚色昏幸有白雲眠楚客不勞芳草思王孫  
北山移去前文在無復教人嘆曉猿

金橋感事

洛陽

太行和雪疊晴空二月郊原尚朔風  
飲馬早聞臨渭北射鵬今欲過關東  
百年徒有伊川嘆五利寧無魏絳功  
日暮長亭政愁絕悲茄一曲戍煙中

彭門用兵後經汴路

卽徐州也咸通未龐勛反徐州為康承訓所破

長亭一望一徘徊千里關河百戰來  
細柳舊營猶鎖月祁連新塚已封苔  
霜飛綠野愁無際燒接黃雲慘不開  
若比江南更牢落子山詞賦莫興哀



廢宅

風飄碧瓦雨摧垣  
却有鄰人為鎖門  
幾樹好花閒白晝  
滿庭芳草易黃昏  
放魚池涸蛙爭鬧  
棲燕梁空雀自喧  
不獨淒涼眼前事  
咸陽一火便成原

韋莊

北原閒眺

春城回首樹重重  
立馬平原夕照中  
五鳳灰殘金翠滅  
六龍游去市朝空  
千年王氣浮清洛  
萬古坤靈鎮碧嵩

欲問向來陵谷寺野桃無語笑東風

寄從兄遵

江上秋風正釣鱸九重天子夢翹車不將高卧邀劉主  
自吐清談護漢儲滄海十年龍影斷碧雲千里鴈行疎  
相逢莫語歸山計明日東封待直廬

贈邊將

昔因征遠向金微馬出榆關一鳥飛萬里只攜孤劍去  
十年空逐塞鴻歸手招都護新降虜身著文皇舊賜衣

只待煙塵報天子滿頭霜雪為兵機

新正日商南道中作寄李明府

相看又見歲華新依舊楊朱拭淚巾  
踏雪偶因尋戴客論文還比聚星人  
高山不改千年色洛水長生一路塵  
今日與君同避世却憐無事是家貧

柳谷道中作却寄

馬前紅葉正紛紛馬上離情欲斷魂  
曉發獨辭殘月店暮程遙宿隔雲村  
心如岳色留秦地夢逐河聲出禹門

莫怪苦吟鞭拂地有誰傾蓋待王孫

嫠女屏居蒙右省王拾遺枉車降訪病中延款  
不得因成寄謝

三年流落臥漳濱王祭思家拭淚頻寒角莫吹殘月夜  
病心方憶故園春自為江上樵蘇客不識天邊侍從臣  
怪得白鷗驚去盡綠蘿門外有朱輪

憶昔

昔年曾向五陵遊午夜清歌月滿樓銀燭樹前長似晝

金史四九  
卷九十  
露桃花下不知秋  
西園公子名無忌  
南國佳人字莫愁  
今日亂離俱是夢  
夕陽唯見水東流

張泌

題華嚴寺木塔

六街晴色動秋光  
雨霽憑高只自傷  
一曲晚煙浮渭水  
半橋斜日照咸陽  
休將世路悲塵事  
莫指雲山認故鄉  
回首漢宮樓閣暮  
數聲鐘鼓自微茫

邊上

戍樓吹角起征鴻  
獵獵寒旌背晚風  
千里暮煙愁不盡  
一川秋草思無窮  
山河慘淡闕城閉  
人物蕭條市井空  
只此旅魂招不得  
更堪回首夕陽中

晚次湘源縣

煙郭遙聞向晚雞  
水平舟靜浪聲齊  
高林帶雨楊梅熟  
曲岸籠雲謝豹啼  
二女廟荒汀樹老  
九疑山碧楚天低  
湘南自古多離怨  
莫動哀吟易慘悽

晚秋過洞庭

征帆高掛酒初酣  
暮景離情兩不堪  
千里晚霞雲夢北  
一州霜橘洞庭南  
溪風送雨過秋寺  
磴石驚泉落夜潭  
莫把羈魂弔湘魄  
九疑愁絕鎖煙嵐

廖匡圖

九日陪董內召登高

祝融峰下逢嘉節  
相對那能不愴神  
煙裏共尋幽磴菊  
樽前俱是異鄉人  
遥山帶日應連越  
孤鴈來時想別秦  
自古登高盡惆悵  
茱萸休笑淚盈巾

旁流

有姓氏無字里世次可考者六人

盧宗回

登長安慈恩寺塔

東方曉日上翔鸞  
西轉蒼龍拂露盤  
渭水寒光搖藻井  
玉峰晴色上朱闌  
九重宮闕參差見  
百二山河表裏觀  
暫輟去蓬悲不定  
一凭金界望長安

許孜

題鴈塔



寶輪金地壓人寰，獨坐蒼冥啟玉關。  
北嶺風煙開魏闕，南軒氣象鎖秦山。  
灞陵車馬垂楊裏，京國城池落照間。  
暫放塵心遊物外，六街鐘鼓暮催還。

蘇廣文

夜歸華山因寄幕府

山村寥落野人稀，竹裏衡門掩翠扉。  
溪渡夜隨明月入，亭臯春伴白雲飛。  
一作嵇康懶慢仍耽酒，范蠡逋逃又拂衣。  
汀畔數鷗閒不起，只應知我已忘機。

陳標

飲馬長城窟

日日風吹虜騎塵  
年年飲馬漢宮人  
千堆戰骨那知主  
萬里枯沙不辨春  
浴谷氣寒愁墜指  
斷崖冰滑恐傷神  
金鞍玉勒無顏色  
淚滿征衣怨暴秦

秦王卷衣

秦家漢闕靄春煙  
珠樹瓊枝近碧天  
御氣馨香蘇合啓  
簾光浮動水精懸  
霏微羅縠隨芳袖  
宛轉鮫綃逐寶筵

從此咸陽一回首暮雲愁色已千年

譚用之

秋宿湘江遇雨

江上陰雲鎖夢魂江邊深夜舞劉琨  
秋風萬里芙蓉國暮雨千家薜荔村  
鄉思不堪悲橘柚旅遊誰肯重王孫  
漁人相見不相問長笛一聲歸島門

胡宿

津亭

津亭欲闕

門闕貌

戒棠舟五兩風來不暫留西北浮雲連

魏闕東南初日滿秦樓層城渺渺人傷別芳草萋萋客倦游平樂舊歡收不得更憑飛夢到瀛洲

古別

長道何年祖輶休風帆不斷岳陽樓佳人挾瑟漳河曉壯士悲歌易水秋九帳清油徒自負百壺芳醪豈消憂至今長樂坡前水不啻秦人怨隴頭

塞上

漢家神箭定天山煙火相望萬里間契利請盟金匕酒

將軍歸臥玉門關雲沈老上

單于名

妖氛斷雪照回中

地名

探騎間五餌已行王道勝絕無刁斗至闡顏

寄昭潭王中立

高絃一弄武陵深六幘天空萬里心吳苑歌驪成久別

楚峰回鴈好歸音十千美酒花期隔三百枯棋奕思沈

博奕論枯棋三百

莫上孤城頻送目浮雲西北是家林

韓喜

水

方圓不定性空求東注滄溟早晚休高截碧塘長耿耿  
遠飛青嶂更悠悠瀟湘月浸千年色夢澤煙含萬古愁  
別有隴頭嗚咽處為君分作斷腸流

僧處一

姓氏疑誤者二人

題黃公陶翰別業

文苑英華作處一詩元遺山鼓吹集作蘇廣文自尚山宿

陶令隱

居詩

聞說花園堪避秦幽尋數月不逢人煙霞洞裏無雞犬

金史卷之九十一  
卷九十  
風雨林間有鬼神黃公石上三芝秀陶令門前五柳春  
醉臥白雲閒入夢不知何物是吾身

郎士元

馮翊西樓

或作郎士元詩按  
文苑英華無名氏

城上西樓倚暮天樓中歸望正淒然近郭亂山橫古渡  
野莊喬木帶新煙北風吹鴈聲能苦遠客辭家月再圓  
陶令好文常對酒相招一和白雲篇

曹唐

羽士  
一人

三年冬大禮四首

皇帝齋心潔素誠自朝真祖報升平華山秋草多歸馬  
滄海寒波絕洗兵銀箭水殘河影斷玉爐煙盡月華生  
千官整肅三天夜劍珮初聞入太清

海日西飛渡禁林太清宮殿月沈沈不聞北斗傾堯酒  
空覺南薰入舜琴歌壓鈞天間夢盡詔歸秋水道情深  
雪風更起古杉葉時送步虛清磬音

太乙天壇降太君屬車龍鶴夜成羣春浮玉藻寒初落



露拂金莖曙欲分三代樂回風入律四溟歌駐水成文  
千官不動旌旗下日照南山萬樹雲

山擁飛雲海水清天壇未夕仗先成千官不起金膝議  
萬國空瞻玉藻聲禁火曙然香焰裊宮衣寒拂雪花輕  
側聞左右皆周呂看取從容致太平

漢武帝時候西王母下降

崑崙凝想最高峰王母來尋五色龍歌聽紫鸞猶縹緲  
語來青鳥許從容風迴水落三清月漏苦霜傳五夜鐘

樹影悠悠花悄悄若聞簫管是行蹤

漢武帝於宮中燕西王母

鰲岫雲低太乙壇武皇齋潔不勝歡  
長生碧字期親署延壽丹泉許細看  
劍佩有聲宮樹靜星河無影禁花寒  
秋風裊裊月朗朗玉女清歌一夜闌

漢武帝思李夫人

惆悵朱顏不復歸晚秋黃葉滿天飛  
迎風細荇傳香粉隔水殘霞見畫衣  
白玉帳寒鴛鴦夢絕紫陽宮遠鴈書稀

夜深池上蘭橈歇斷續歌聲接太微

仙子洞中有懷劉阮

不將清瑟理霓裳塵夢那知鶴夢長  
洞裏有天春寂寂人間無路月茫茫  
玉沙瑤草連溪碧流水桃花滿澗香  
曉露風燈易零落此生無處問劉郎

劉阮再到天台不復見仙子

再到天台訪玉真青苔白石已成塵  
笙歌寂寞閒深洞雲鶴蕭條絕舊鄰  
草樹總非前度色煙霞不似往年春

桃花流水依然在，不見當時勸酒人。

萼綠華將歸九疑留別許真人

九點秋煙黛色空，綠華歸思頗無窮。  
每悲馭鶴身難住，長恨臨霞語未終。  
河影暗吹雲夢月，花聲閒落洞庭風。  
藍絲重勒金條脫，留與人間許侍中。

送劉尊師祇詔闕庭

海風葉葉駕霓旌，天路悠悠接上清。  
錦誥淒涼遺去恨，玉簫哀絕醉離情。  
五湖夜月幡幢濕，雙闕清風劍珮輕。

莫道暫辭華表柱，便應千載是歸程。

皎然

衲子  
七人

送皇甫侍御曾還丹陽別業

雲陽夜別憶春畊，花發菱湖問去程。  
積水悠揚何處夢，亂山稠疊此時情。  
將離有月教絃斷，贈送無蘭覺意輕。  
朝右要君持漢典，明年北墅可須營。

題周諫別業

皎然與周生所  
居俱臨苕水

隱身苕上欲如何，不著青袍愛綠蘿。  
柳巷任疎容馬入，

水籬從破許船過昂藏獨鶴閒  
心遠寂歷秋花野意多  
若訪禪齋遙可見竹牕書幌共煙波

白蘋洲送洛陽李丞使還

蘋洲北望楚山重千里迴輶止一封  
臨水情來還共載  
看花醉去更相從  
罷官風渚何時別  
寄隱雲陽幾處逢  
後會那應似疇昔  
年年覺老雪山容

春日杼山寄贈李員外

南山唯與北山鄰  
一閉禪關老此身  
黃鶴有心多不住

白雲何事獨相親  
閒持竹錫行看水  
懶繫麻衣出見人  
無限幽芳徒欲寄  
郎官那賞石門春

山居示靈徹上人

清明路出山初暖  
行踏春蕪看茗歸  
乍削柳枝聊待札  
時窺雲影學裁衣  
身閒始覺驥名是  
心了方知苦行非  
物外寂中誰似我  
松聲草色共忘機

晚春尋桃源觀

武陵何處訪仙鄉  
古觀雲根路已荒  
細草擁壇人跡絕

落花沈澗水流香山深有雨寒猶在松老無風韻亦長  
全覺此身離俗境玄機亦可照迷方

靈一

題東蘭若

上人禪室路徘徊萬木清陰向日開寒竹影侵行道石  
天花香散誦經臺閒雲不繫從舒卷狎鳥無機任往來  
更惜片陽談妙理歸時莫待暝鐘催

送明素上人歸楚覲省



能將踈懶背時人不厭孤萍任此身江上昔年同出處  
天涯今日共風塵平湖舊隱應殘雪芳草歸心未隔春  
前路倍憐多勝事到家知慶綵衣新

江行寄張舍人

客程終日風塵苦蓬轉還家未有期林色曉分殘雪後  
角聲寒奏落帆時月高星使東看遠雲破霜鴻北度遲  
流蕩此心難共說千峰澄霽隔瓊枝

靈澈

冬送鑿供奉歸蜀寧親

林間出定戀庭闈  
聖主恩深斲許歸  
雙樹欲辭金錫冷  
四花猶向玉堦飛  
梁山拂漢分清境  
蜀雪和煙戀翠微  
此去不須求綵服  
紫衣全勝老萊衣

清江

喜嚴侍御蜀還贈嚴秘書

往年分首出咸秦  
木落花開秋又春  
江客不曾知蜀路  
旅魂何處訪情人  
當時望月思文友  
今日迎驄見近臣

多美二龍同漢代綉衣芸閣共榮親

贈淮西賈兵馬使

破虜功成百戰場天書新拜漢中郎  
映門旌旆春風起對客絃歌白日長  
堦下鬪雞花乍發營南試馬柳初黃  
由來吳楚多同調感激逢君共異鄉

登樓望月寄鳳翔李少尹

陌上涼風槐葉凋夕陽清露濕寒條  
登樓望月楚山上月到樓南山獨暹  
心送秦人起鳳闕自隨陽鴈極煙霄

軒車不重無名客此地誰能訪寂寥

法振

張舍人南谿別業

新田繞屋半春耕  
藥杖閒門引客行  
山翠自成微雨色  
谿花不隱亂泉聲  
漁家遣到堪留興  
公府懸知欲厭名  
入夜更宜明月滿  
雙童喚出解吹笙

廣宣

聖恩顧問獨遊月  
鐙閣直書應制

禪居河畔無多地來往尋春物正華  
磴道上盤千畝竹  
闌干低數萬人  
家簷前施食來飛鳥  
林下行香踏落花  
自解剎那知佛性不勞更喻幾塵沙

曇域

懷齊已上人

鬢髯秋景兩蒼蒼  
靜對芳齋一炷香  
病後身心俱寂寞  
老來親友半凋傷  
蛾眉山色侵雲直  
巫峽灘聲入夢長  
猶喜深交有支遁  
時時音信到松房

鮑君微

閩秀  
一人

東亭茶燕

閒朝向曉出簾櫳  
茗燕東亭四望通  
遠眺城池山色裏  
俯聆絃管水聲中  
幽篁引沼新抽翠  
芳槿低簷欲吐紅  
坐久此中無限興  
更憐團扇起清風

排律

七言排律唐人不多見如太白別山僧高適宿田家等作雖聯對精密而律調未純終是古詩

音調

崔融

從軍行

穹廬戈戟亂金方  
武將神兵下玉堂  
天子旌旗過細柳  
匈奴運數盡枯楊  
闕頭落月橫西嶺  
塞下凝雲斷北荒  
漠漠邊塵飛衆鳥  
昏昏朔氣聚羣羊  
依稀蜀杖迷新竹  
髣髴胡牀識故桑  
臨海舊來聞驃騎  
尋河本自有中郎  
坐看戰壁為平土  
近待軍營作破羌

僧清江

月夜有懷王端公兼簡朱孫二判官

月照疎林驚鵲飛，羈人此夜共無依。  
青門旅寓身空老，白首頭陀力漸微。  
屢向曲池陪逸少，幾迴戎幙接玄暉。  
四科弟子稱文學，五馬諸侯是綉衣。  
江鴈往來曾不定，野雲搖曳本無機。  
修行未盡身將盡，欲向東山掩舊扉。

王建

送裴相公上大原

還携堂印向并州，將相兼權是武侯。  
時難獨當天下事，功成却進手中籌。  
再三陳乞爐煙裏，前後分張玉案頭。



朱架早朝排立戟綠槐殘雨看張油遙知鴈塞從今好  
直到漁陽以北愁邊舖恐巡疥盡換山城欲過館重修  
千羣白刃兵迎節十對紅妝妓打毬聖主分明教暫去  
不須高起見京樓

溫庭筠

秘書省有賀監知章草題詩筆力遒健風尚高  
遠拂塵尋玩因有此作

越谿漁客賀知章任遠憐才愛酒狂  
鷓鴣葦花隨釣艇

蛤蚧菰葉夢橫塘幾年涼月扣華省一宿秋風憶故鄉  
榮路脫身終自得福庭回首莫相忘出籠鸞鶴歸遼海  
落筆龍蛇滿壞墻李白死來無醉客可憐神彩弔殘陽



唐詩品彙卷九十